



Akako'u'anga no te Au Angaanga i roto i te Oire

Ko teia akako'u'anga e au manako teia tei kitea ia i roto i te tuataua mua no te akatereanga o te angaanga a te Porirua Development tei akamataia i roto ia Mati ki Titema 2019.

Kua inangaro matou i te kite eaa ta te iti tangata i te Itinga o Porirua i inangaro i to ratou oire, eaa te au mea te ka anoano ia kia akameitakiia e te au mea ta ratou ka inangaro kia kite no teia tuataua ki mua. Kua uriuri ia te au manako no te turanga o te au are, te tuanga enua, te au apinga akaoro, turanga tomo, ngai ateatea, au ngai no te tangata e te au toa okooko, e pera katoa no runga te turanga o te oraanga kopapa. Ko teia au tumu tapura nei e manganui te au ravenga tei raveia mei te uipaanga, iriirikapua, au angaanga tamataora, e na roto i te pirianga taeake, e te araveianga na roto i te roro uira.

E maata te au manako tauturu tei akakiteia mai tei, e eaa ta te iti tangata o Porirua i inangaro, te tu o te oraanga, e te au moemoea no te tuataua ki mua.

Ko teia akakoukouanga ka akamaata mai te reira i te akarakara atu anga i te uipaanga ki te iti tangata. Ko te au manako oonu no teia au uipaanga ka kitea te reira ki roto i te *Akakoukouanga no te au Angaanga i roto i te Oire: Pirianga*.

Akapapaanga akakite

I roto ia Noema 2018 kua akakite te Kavamani i te \$1.5 pirioni moni tauturu no tetai 25 mataiti angaanga i roto i te akaouanga i te turanga o Porirua. Ko teia angaanga Porirua Development project te rave kapipiti ia nei te reira e te Kainga Ora, Porirua City Council e te Ngāti Toa.

Ko te Porirua Development te akatinamou nei te akaraanga ki te turanga o te au are, tetai au ravenga ke e te turanga no te okoanga. Te irinaki ia nei e ka meitaki mai te turanga o te oraanga e te puapinga kia riro mai a Porirua ei ngai meitaki no te noo, angaanga e te utuutu i te kopu tangata.

Ko te atea o teia angaanga mari ra ko te akakouanga i te au ravenga e meitaki mai ei te oire tangata no te araveianga, e te kimi puapinga anga.

I roto ia Mati 2019, kua akamata te Porirua Development i te rave i te au uipaanga ki roto i te oire kia akarongoia te inangaro e te au manakonakoanga o te tangata, kia ira mei te reira i roto i te turanga mua o te parani anga o te Porirua Development.

Koukouanga o te au manako akakite

Ko te akatoroanga o te akapapaanga o te au uipaanga, tei raveia no tetai iva-marama, kua akaari mai te reira i te tukeke i te au tu tangata i roto i te oire e pera katoa te tuke o te au tumu tapura.

Manako maata, turanga o te are, te enua e te oraanga meitaki ko te au manako puapinga teia ta te tangata i inangaro i te tuatua. Kua o katoa mai te au manako no te au ngai atea, au pirianga tangata, angaanga tamataora, akatereanga apinga akaoro, e te paruruanga i te oire.

E maata katoa te tangata tei akaari mai i tetai au tumu manako no runga i te au ngai araveianga i roto i te oire, au apinga akaoro, au taraianga, te tukeke o te tu tangata e pera katoa te akameitakianga i te turanga akatomo ki te au ngai angaanga no te oraanga kopapa e tetai au tauturu ke.

E maata te au manako turu kia tauia te turanga o te ngutuare, te au are taururu i te ltinga o Porirua, inara te vai nei tetai au tuanga ekoko. Te manata nei tetai au tangata e ka akaneke ia ratou e kare e rauka i te oki akaou ki to ratou au ngutuare me kore ra no te akakakeanga o te tutaki o te ngutuare.

Ko te iti tangata o te ltinga o Porirua kua inangaro ratou kia akamanako ia ratou i roto i teia angaanga te ka akatupuia, kia o ratou ki roto i te au uriurianga me kore tukuanga tika. Ko to ratou anoano kia angaanga kapipiti e te Kainga Ora no te paranianga e te akatupuanga i teia angaanga.

Au tumu manako

Kua akaari mai te tangata i to ratou manako no runga i teia au mea:

- akaateaia me kore kare e ngutuare akaou
- vai anga oonu o te pirianga ki te oire e te ngutuare
- tutakianga e te turanga akapuapinga anga are (tutaki, okoanga, akaouanga)
- kare e meitaki ana te au akakiteanga, pikikaa e te au tuatua tarevake
- kare e rekareka mei tei tupu i te akaouanga openga
- te ooraanga o te akapapaanga e kua anoano kia maata atu to ratou marama
- kare e papu meitaki e koai ma te au tangata i roto i teia angaanga akaouanga
- eaa te puapinga o teia akaouanga no te oire tangata, e ka akapeea te tuaanga o te moni
- kare te katoatoa i papa no teia tauia.

Noatu teia au manako tei akaariia mai, te kite nei te tangata i te tu o te akatereanga o te angaanga kia ratou, ki te angaanga anga no te oire katoatoa, te kiteaia mai nei te tauia i te akatupu i to ratou uorai akakoroanga ki te akara i te anoano o te iti tangata.

Akapeea matou i te uipaanga

Kua rave matou i tetai au uipaanga e te iti tangata e te au ngai angaanga i roto i te mataiti 2019:

- Ka Mua Ka Muri: maata atu i te 40 iriiriangakapua tei raveia ki te au tamariki apii au tangata tamataora
- au tuatau Tuatua mai Toou Manako (Tiunu e Tiurai)
- akaariarianga i te CAREERfest, the Po o te Makete Pasifika e te Makete i Waitangirua
- au uipaanga no te Tienianga te ka Tupu (Noema ki Titema) tei raveia no te au enua e te au putuputuanga
- te au mapu e te au kimianga a te Social Pinpoint
- piri atu anga kite au uipaanga a tetai au putuputuanga.

Kua rave kapiti matou i te akapapaanga i te parani no te au Uipaanga ki te Pasifika e pera katoa ki te Au Mapu kia akapapu e te tika nei te kaveanga o teia au uipaanga.

I akapeea te akakite anga ki vao

Kua anoano matou kia maata te tangata me te ltinga o Porirua kia akakitekite mai i to ratou au manako e kia akakite i te au angaanga na roto i teia au mataara:

- au tuatua no te Porirua Development e te Oire Porirua
- au roro uira a te Konitara e te au kapi Facebook, e ki runga i te kapi Facebook a te au putuputuanga i roto i te oire
- te au nuti reta i runga i te roro uira a te Porirua Development e te au imere
- au peapa akakite i roto i te au pia reta i te au kainga, toa, ngai angaanga, e te au makete
- au pure, au apii e te au angaanga o te oire i te tua ltinga o Porirua
- aere ki te au uipaanga a te au ona ngutuare, au putuputuanga tauturu
- e te au uipaanga oire a te Pasifika
- au tuatua akakite ki roto i te Nuti peapa *Kapi Mana*
- au akakitekiteanga ki runga i te ratio Samoa Capital.

Tere atu i te 2,300 tangata tei piri ki teia au uipaanga i roto i te mataiti 2019, tere atu i te 5,000 au manako tei akakiteia mai. Kua tare katoa i te au manako mei roto mai i te au arataki o te oire e te au akonoanga, te au apii e te au tamariki apii, au mata mei te au putuputuanga oire, au ngai angaanga tauturu i te tangata e te au ona pitiniti.



Te au tumu tapura tei akakitea ia mai e te tangata

Au are

Maata te au tangata tei akakite mai i to ratou anoano kia maana, maro, meitaki e kia ngoie te aereanga ki roto i te au are. E maata to ratou au manako no te tukeke o te tu, taraianga o te au are, e te tu o te manata te ka tupu me maata te tangata.

I te akaraanga, kua marama te tangata i te anoano no te akameitaki i te turanga o te oraanga, inara te manata nei ratou i te au kino te ka tupu me maata te au are ma te kore e akara meitaki i te maata o te va i vao, te turanga uuna, tapaeanga no te au apinga akaoro, te akanoonooanga o te au apinga akaoro kia meitaki.


Kua turu pakari ia te manako no te akamaata atu i te tu o te au are te ka akatuaia, mei tei akaari ia i roto i te toroanga i raro. Noatu

te pakari o te turuturu kia akamaataia te au are, te vai katoa nei te au manako papukore no te au tauia te ka tupu.

Te matakite nei te tangata no te akamaataanga i te au are e pera katoa no te taraianga o teia au are ou. Kua marama ratou i te anoano kia maata te au are, inara te inangaro nei ratou kia taraiia teia au are no te au ngutuare mamaata kia tano ki te manganui anga tangata te ka noo ki roto.. Ko te oko are tetai anoano maata o te tangata e te akapakariia nei te patiangia kia maata te au are te ka rauka i te okoia.

Kua akaari mai te tangata i to ratou manako papukore no te manako no te akaouanga are (oko, tutaki, akaouanga), te tumu maata no te au tangata e akaatea nei no te teitei o te moni o te au are, te oko o te enua kavamani, e te ngaroanga me kore taorianga o te turanga takake o te ltinga o Porirua. E maata tei manata no te ngere o te au are ka peke, i te oko me kore ra okokore (rent), e kua akaari katoa i te manako e kare e rauka i te au uki ki mua i te oko are.

Concern versus desire for change to housing





Te au ngai o te enua

E maata te au manako tei akaariia mai no te ko'i'anga e te titirianga o te au tita, mei te inangaro kia meitaki te titirianga o te au tita kare o ratou puapinga akaou ki te akapuapinga akaou anga i tetai au tita. Kua inangaro te tangata kia mamaata te au vairanga tita i te au ngai akapuapinga akaou i te tita i roto i te au toa, kia meitaki mai te au akakiteanga e te apiinganga no runga i te akapuapinga akaouanga, e te au takaianga kia paruru i te tu tatitaanga.

Ko tetai manako maata tei tuatuaia koia oki ko te akateretereanga o te au vai uriia e te repo, e te maata o te manako te akaariia mari ra ko te turanga o te au ara-vai e te kino o te vai i roto i te uapu Te Awarua-o-Porirua.

Kua inangaro katoa te tangata kia maata mai te au ngai matie, au aua tiare, au ngai manea i roto i te oire e te ara ki te au ngai natura. Kua kite ratou i te tutukianga o teia manako e ka topa te numero o te au are ou, no reira i inangaroia ai tetai akapapuanga e ka akanooia tetai au ngai matie i roto i te paranianga e te taraianga.

Au aereanga

E maata te au manako ariki e, e mama ake, e te viviki e te ngoie ua, i te akaoro motoka, noatu te moni tutaki i te penitini e te akonoanga i te motoka. Kia akapapu ia e ka meitaki te akateretereanga o te au apinga akaoro e te au ngai akatuia no te akameitaki te teretereanga o te tangata - na raro i to ratou vaevae, na runga i te au patikara takatakai, na runga i te au apinga akaoro – e manako puapinga rava.

Akateretereanga o te au apinga akaoro, ngai akarukeanga i te au apinga akaoro, te au mataara e te au ara aereanga ko tetai au tumu tapura veravera teia, ko te maata anga o te manako koia oki no te akameitakianga i te tua paruru e te akatueraanga i te au ngai roto i te oire kia rauka i te tangata kia aere.

Ko te maata anga o te au manako koia oki kare e meitaki roa ana te turanga o te au apinga akaoro no te tangata katoatoa i te ltinga o Porirua. Kua akaari mai te tangata i te tumu o to ratou au manako, no te mea kare e putuputu ana e kare e rauka te irinakianga ki roto i te akatereanga o teia au apinga akaoro no te katoatoa, te mamao te aereanga ki te ngai tiaki i te pereore akaoro (bus), te paruruanga mei

te au manata e te matangi o te au ngai tiakianga i te pereore akaoro (bus), kare e mako ana te au ara o te pereore akaoro (bus), kare e meitaki ana te pirianga ki te au apinga akaoro katoatoa.

Ko te tauturu a te au apinga akaoro no te katoatoa tetai manako maata tei tuatua ia, te ara no te aereanga e te kakekakeanga kare e taeria ana e te au pereore akaoro (buses), ravekore te au ngai nooanga, e te paranianga o te au pereore akaoro (buses) e te au ngai tiaki i te akaoro kare te reira i akatika no te au nooanga uira, au tokotoko e te au pereore pepe.

Te turanga o te au mataara e te au aravaevae e au manata putuputu teia no te au tangata e aere nei, me kore tei runga i te nooanga uira, tokotoko me kore ra pereore pepe. Ko te paruruanga te manako maata o te tangata no te mea te manata nei ratou i te au motoka akaoro viviki, te tu o te tangata i te au ngai tikotianga, e te maata o te au apinga akaoro i te au oro teitei te tareanga.

E pakari te au manako turu kia akapouia te moni ki runga i te akameitakinga i teia au araereanga, kia paruruia te tangata, kia atea, kia tauturuia te tangata e kia akapiriia ki te au tapere me kore ra arakainga, te ka akamaroiro i te tangata kia aere putuputu. Inangaro katoa te tangata kia maata te au tangata akaoro patikara e kua maata te au manako tuturu kia akatakakeia te ara no teia au patikara takatakai, au apiinganga no te au aronga akaoro, e kia akameitakiia te au araakaoro no te au patikara takatakai.

Au ngai atea

Ko te manako maata no runga i teia tumu tapura koia oki ko te anga anga i te au ngai noonooanga me kore tamataoraanga ma te akamanako i te au kopu tangata e te au angaanga ta te oire e rave ana; kia paruru e kia tauturuia te tangata me angaia te au ngai kangakanga anga, kia akamaataia te tanuanga i te au ngai natura; kia auia te au ngai kangakangaanga; akatereanga i tetai au angaanga tamataora no te oire tangata me kore ra au angaanga o te au enua; taporoporoanga i te Bothamley Park e te au punavai o Cannons Creek.

Ko te au akameitakianga ta te tangata i inangaro kia kite mari ra ko te au ngai aereia e te tangata, mei te au ngai tunutunu e te au rua no te umu, nooanga, are-meangiti, rua-vai, akameitaki te



au mori, tumu rakau no te tamarumaru i te tangata i te au ngai tamataoraanga, tetai au apinga tuaturu no te akaetaeta te kopapa. E maata te tangata tei kite e au ravenga teia no te akamaata te puapinga o teia au ngai tamataoraanga, mei te akatupuanga ngai no te au aronga imene me kore akatutu, ngai no te rave i te au angaanga tipoti, mei te kilikiti a te Amoa, e te raveanga i tetai au tarekarekaanga, e pera katoa ngai apianga i te tamariki.

Au ngai okookoanga

Kua apa te tareanga o te tangata tei inangaro i te kite e kia tukeke te au toa no teia au tuatau ki mua, mei te akatoroanga i te makete, toa maata e te ngai no te oko puaka, mamoe e te vai atura, e pera katoa te au toa oko kakau. Kua inangaro te tangata kia tipu te numero o te au toa oko kaitari, ngai kaikava e te ngai peti oroenua inara kia maata atu te au ikianga no te au kai meitaki no te oraanga e te au kai enua tukeke.

Au ngai no te oire

Kua inangaro te tangata i te kite i tetai au akameitakianga mamaata no te au ngai aereanga, tarekarekaanga kia paruru meitaki ia te au tangata katoatoa. E maata ua atu ei te anoano e te patianganga kia akameitakiia teia au ngai akaruruanga o te iti tangata i te Itinga o Porirua. Ko te au ngai e vai nei kare e tau meitaki no te akakoroanga i anga ia ai.

E maata te numero tangata tei inangaro i te kite i te au ngai tipotianga kia akameitakiia e kia akamaata te au tu tarekarekaanga i te Itinga o Porirua. Ko tetai au manako tei akaarii koia oki ko te akatuanga i tetai ngutuare tipoti kia raveia te au tarekarekaanga mei te keteporo, voriporo e te paketeporo, e tetai ngutuare no te akaetaeta uua. Ka raveia tetai au pupu akaetaeta uua, te au tipoti tukeke e te arikiriki atu anga i tetai au tarekarekaanga.

Kua atui ia te au Tarianga e te au Peu Enuā i te Itinga o Porirua, e maata te tangata tei tuatua mai i to ratou inangaro kia kite i teia au tarianga i roto i te oire. Kua akaari katoa mai te tangata i to ratou anoano no tetai au ngai kia vai oraora ua atu rai te au kite tarianga e te au peu tupuna.

Orama no 2045

Ko tetai tuanga o te au uipaanga no te Tauiaanga e Aere mai nei i roto o Noema e Titema, kua pati matou i te tangata kia akakite mai i to ratou au manako i te tutu o te oire, te tangianganga e te tamanakoanga no tetai 25 mataiti ki mua. Kua ui atu ki te au tamariki apii no te Apii Tuatai o Corinna e te Apii Tuarua o Porirua i ta ratou moemoea no te au tuatau ki mua.


E maata tei akara mamao atu ki mua ma te akamanako i ta ratou au tamariki au mokopuna e te tu o te oraanga ta ratou i inangaro no ratou, ko tetai papaki kua akara ratou i te tu o te oraanga i teiani e kua inangaro kia akameitakiia te turanga o te oraanga. Ko te maata o te au pauanga ko te au manako umuumuia, au oroma ka rauka i te akatupu, e te akaraanga i te tu o te oraanga i te au ra tatakaitai.

Akameitakianga

Kia akameitakiia te au tangata e te au putuputuanga tei piri ki roto i te au uipaanga, ki te au ona kainga, tangata tatakaitai, kopu tangata, au ngai kimi puapinga, te au akonoanga e te au pupu tei oronga mai te tuatau e te tauturu no te akameitakianga i te turanga o te itinga o Porirua.

Orama taki ia e te au tumu tapura

Mei tetai 430 au pauanga tei koi ia e kua akarakara matou na roto i te akapupuanga te au manako ki roto i te au tumu tapura tei akakiteia mai e eaa te au manako o te tangata no te oire no te tuatau ki mua.



E oire teia ka inangaro au i te noo no te katoaanga o toku oraanga

E ngai rongonui ki to teia nei ao no te tu o te tauturu

Ka noo meitaki ta matou tamariki ki roto i to ratou oire ou, mei te aroa e te takingameitaki o te Atua

Ko te Pasifika Porirua

E oire tangata tei akamou te vaerua aroa e te takinga meitaki tetai ki tetai

E oire manea a Porirua, oaoa ua te katoatoa

Au takaianga

Ko te au manako tei akaokia mai ka akarakara te pupu o te Porirua Development e pera katoa te au tangata kite angaanga kia o ki roto i te parani anga maata, ko te Parani no te Tu'aanga i te au Meitaki, koia oki e parani no te akatupuanga e te akameitakianga ite ltinga o Porirua. Ka akanoo te reira i te kaveinga roa no te akameitakianga te ka akatupuia – te au are, ngai atea, te au toa, te au ara-kainga e te vai atura. Na teia Parani no te Tu'aanga i te au Meitaki e akakite te au ngai kia akameitakiia, eaa teia au tu akameitakianga, e te akakite papu te openga o teia au akatupuanga.

Na te Parani no te Tu'aanga i te au Meitaki e akanoo i te orama e te au umuumuanga kia vai meitaki te au apinga akaoro, te turanga o te vai, te maata o te au are, puapinga maata o te au toa mamaata, paruruanga meitaki, au ngai no te oire tangata, akakiteanga o te oire tangata, tanutunuanga e te vai atura.

Ko teia Parani no te Tu'aanga i te au Meitaki, tei akaari katoa mai i te manako e te au vaerua umuumuia e te oire tangata, te au ngai angaanga, te au ona enua, iwi, te kavamani o te basileia e to te oire ka akatupu meitaki teia i te akateretereanga kia viviki te tupuanga (te akatuanga i te au are ou) i roto i te oire. Ko te Parani akapapamua no te Tu'aanga i te au Meitaki ka akaari ia te reira ki te oire tangata kia tuku mai i to ratou au manako i roto i te mataiti 2020, ko te takaianga rua teia no te akapapaanga i te au uipaanga.